

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Kantonalna uprava civilne zaštite

Broj: 18/40-022493-7/22  
Tuzla, 17.10.2022. godine

Direktor Kantonalne uprave civilne zaštite, na osnovu člana 70. stav 1. a u vezi sa stavom 3. Zakona o javnim nabavkama ("Službeni glasnik BiH", broj 39/14 i 59/22), u otvorenom postupku javne nabavke „Nabavka i isporuka kompresora za punjenje izolacionih aparata“- LOT 2, donosi:

**ODLUKU**  
o izboru najpovoljnijeg ponuđača

**Član 1.**

Prihvata se Preporuka Komisije za javne nabavke, broj: 18/1-40-022493-6/22 od 13.10.2022. godine, u otvorenom postupku javne nabavke kompresora za punjenje izolacionih aparata (1 komad)- **LOT 2**, po obavještenju o javnoj nabavci, broj : 1069-1-1-7-3-6/22 od 22.9.2022. godine, te se utvrđuje izbor ponuđača „TEVE VARNOST ELEKTRONIKA“ d.o.o. Visoko, Čajengradska 6A, 71300 Visoko.

**Član 2.**

Ponuđaču „TEVE VARNOST ELEKTRONIKA“ d.o.o. Visoko, dodjeljuje se Ugovor o nabavci robe iz člana 1. ove Odluke, a prema ponudi broj : 086-BA/2022 od 27.9.2022. godine za ponuđenu cijenu od 15.730,00 KM (bez PDV-a) odnosno 18.404,10 KM sa uračunatim PDV-om.

**Član 3.**

Prijedlog Ugovora o nabavci dostavit će se na potpis izabranom ponuđaču nakon dostavljanja dokaza iz tenderske dokumentacije, a koji se odnose na izabranog ponuđača.

**Član 4.**

Ova Odluka stupa na snagu danom donošenja i objaviće se na web-stranici Kantonalne uprave civilne zaštite.

**Obrazloženje**

Kantonalna uprava civilne zaštite je dana 19.9.2022.godine donijela Odluku o pokretanju postupka javne nabavke broj : 18/1-40-022493/22 putem otvorenog postupka za nabavku visokotlačnih modula za gašenje požara i kompresora za punjenje izolacionih aparata.

Predmetna nabavka je podijeljena na LOT-ove, a LOT 2 se odnosi na nabavku i isporuku kompresora za punjenje izolacionih aparata (1 komad).

Procijenjena vrijednost predmetne javne nabavke iznosila je 15.730,00 KM bez PDV-a. Obavještenje o nabavci broj : 1069-1-1-7-3-6/22 je objavljeno na portalu javnih nabavki dana 22.9.2022.godine, a sažetak obavještenja je objavljen u "Službenom glasniku BiH" broj 66/22 od 30.9.2022.godine

Krajnji rok za prijem ponuda bio je: 13.10.2022. godine do 10:00 sati.

Komisija za javne nabavke imenovana rješenjem Kantonalne uprave civilne zaštite broj: 18/1-40-022493-2/22 od 19.9.2022.godine je dana 13.10.2022.godine sa početkom u 11 sati izvršila javno otvaranje ponuda i sačinila zapisnik o otvaranju ponuda, na kojem je konstatovano da je za ovaj postupak javne nabavke dostavljena samo jedna ponuda i to od strane ponuđača „TEVE VARNOST ELEKTRONIKA“ d.o.o. Visoko. Ponuda je dostavljena na protokol ugovornog organa dana 12.10.2022.godine u 13.40 sati.

Komisija je sastavila zapisnik o ocjeni ponuda broj : 18/-40-022493-6/22 od 13.10.2022. godine, u kojem je navedeno da je za ovaj postupak dostavljena samo jedna ponuda koja ja blagovremena i prihvatljiva te je dala preporuku ugovornom organu da zaključi ugovor sa „TEVE VARNOST ELEKTRONIKA“ d.o.o. Visoko.

Pomenuti ponuđač je dostavio ponudu broj : 086-BA/2022 od 27.9.2022. godine , sa cijenom ponude od 15.730, 00 KM, bez PDV-a, odnosno 18.404,10 KM sa PDV-om.

Prilikom ocjene provedenog postupka, rukovodilac ugovornog organa nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom te je odlučeno kao u članu 1. ove Odluke.

#### POUKA O PRAVNOM LIJEKU:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi Kantonalnoj upravi civilne zaštite u pisanoj formi u najmanje 3 (tri) primjerka ili elektronskim putem.

Dostaviti:

1. TEVE VARNOST ELEKTRONIKA, Visoko
2. Na web stranicu KUCZ i
3. a/a.



DIREKTOR

*Mirza Džinović*

Mirza Džinović